

# KERATAN AKHBAR

TARIKH : 6 MEI 2024  
AKHBAR : HARIAN METRO  
MUKA SURAT : 26

## Struktur semula ekonomi Malaysia



PENGAPUNGAN HARGA BAHAN API DAN SUBSIDI BERSASAR

# STRUKTUR SEMULA EKONOMI MALAYSIA

Oleh Sri Ayu Kartika Amri  
kartika@hmetro.com.my

Kuala Lumpur

Pengapungan harga bahan api dan subsidi bersasar yang bakal dilaksanakan kerajaan tidak lama lagi dilihat mampu menstrukturkan kembali ekonomi negara bagi jangka panjang.

Penganalisis Ekonomi Universiti Kuala Lumpur (UniKL) Business School Prof Dr Aimi Zulhazmi Abdul Rashid berkata, jumlah subsidi bahan api pada 2022 berjumlah RM51 bilion melebihi 60 peratus

daripada jumlah keseluruhan subsidi yang ditanggung kerajaan.

"Sekiranya ia dapat dijinakkan, wang itu dapat digunakan dengan lebih bijak seperti bantuan tunai langsung kepada warganegara Malaysia dan juga penyediaan infrastruktur yang lebih banyak dan berkualiti kepada rakyat seperti hospital, sistem pengangkutan awam, pendidikan dan sebagainya.

"Penjimatan daripada pemberian subsidi secara

pukul yang berlaku akan membantu kerajaan mengurangkan defisit kepada 4.3 peratus di atas perbelanjaan tahunannya, sekaligus mengurangkan

hutang negara yang sekarang berjumlah sekitar RM1.2 trilion," katanya.

Katanya, peningkatan hutang negara bersamaan dengan pertambahan subsidi pukul setiap tahun yang memberi kesan negatif kepada ekonomi negara dan pasti, ia tidak harus berterusan selamanya.

Justeru, beliau berkata, tindakan kerajaan pada awalnya dilihat akan memberi kesulitan pada peringkat awal perubahan ini dibuat, antaranya rantaian nilai bekalan barangan akan meningkat secara langsung kepada sektor pengangkutan, runcit, restoran dan pelbagai lagi.

"Bagaimanapun, kebaikan utama dalam jangka pendek adalah kepada kerajaan, iaitu dapat menstruktur semula ekonomi negara daripada belanja subsidi yang tinggi sekarang, meringankan beban kewangan, menurunkan hutang dan defisit perbelanjaan," katanya.

"  
Hutang negara yang sekarang berjumlah sekitar RM1.2 trilion  
Dr Aimi Zulhazmi